

成蹊詩存

先師千溪先生題

特 260

223

7

73



始



持260  
223



續  
編  
存





題成蹊詩存

成蹊

二酉圖書已汗牛。更災梨棗似無謀。  
焚餘群籍雖多泯。壁裏殘經却久留。  
雪霽清晨唯對几。月升靜夜獨憑樓。  
廿年嘔血詩千首。覆醬還應志足酬。

成蹊詩存

長門成蹊 三宅光華

大正三年

春 寒

微雨重簾氣味酸。江南又到牡丹寒。吾儂不解天公意。  
處處名園夢裏看。

偶 感

大隅櫻島噴火之後

地妖往歲慘飛灰。天變今年凶饑催。底事生民不知警。

藤波千溪曰  
宛然浙西名  
家

千溪曰  
余亦屢有此  
感

成 踏 詩 在  
宴安日夕醉荒來。

大正四年

社頭杉

新年宸題

凌霄杉百尺。華表乃攸望。赫赫神靈在。稜威萬古長。

移竹

卜居不可無脩竹。淇澳移來一畝宮。但許凌霄勢千尺。

虛心獨託古人風。

荷亭憑欄

菡萏池頭曉色涼。一簾風露有餘香。清高尤愛濂溪子。

千溪曰素朴古蒼澁谷香北曰蒼典雅字壯曰重篇大雅作敬服

千溪曰詩亦清脩與竹爭秀

鈴木東山曰王子猷亞流

千溪曰明妍清麗三趣致

織麗休論張六郎。

贈人登嶽

嶽神頻寵命。載筆度嶙峋。長嘯天壇上。才華自此振。

大正六年

夜坐

三首

十年書劍爪留泥。華髮郎當東復西。目似鰥魚眠不得。

蕭蕭凍雨聽荒雞。

經糟史柏幾年茲。躑躅風塵白髮隨。猶向名場存意氣。

夜深燈冷下書帷。

千溪曰五字長城

千溪曰蘇陸之境  
東山曰一結何等悲涼  
東山曰同慨同歎詠味亦蕭散有餘

成蹊詩存

壯心徒拓落。天地一孤身。午夜眠難就。燈花只是親。

感遇

未把形骸付鼠肝。鬢髻短髮奈盤桓。居官有法戴涼笠。處世無方去異端。柳下三蹉由直道。陶潛五斗任長歎。寸心自許救時策。休笑蓬蒿拂舊冠。

書懷 五首

露華滿地入高秋。處處蟲聲惹客愁。官拙偏羞遷謫數。任他一劍伴書樓。古曲滄浪在。五湖橫一舟。沙鷗天地白。雲外水悠悠。

千溪曰元遣山  
香北曰傲氣壓  
俗筆有風霜

千溪曰有倚鞍顧盼  
又曰之樂  
言自是醇儒之

千溪曰曲短音長  
香北曰古高

一世哀歡棚上傀。人間起倒似葫蘆。請看納納乾坤大。屑屑何須歎我迂。

人間五十未知命。樸學偏羞無所成。船馬棲棲路南北。一年兩度入東京。

寂寞風塵遠。柴荆人迹空。菊花三徑畔。蘭櫂五湖中。兔死已烹狗。烏殫終斂弓。悠悠名利外。明哲保其躬。

卽事

煙波十里望茫茫。欸乃一聲帆影長。鷺後鷗前人立盡。誰燒楚竹汲西湘。

千溪曰南帆北轍身  
世勿忙誰不  
東山曰三四平反  
有味  
千溪曰三四晚唐名  
東山曰陳典用得穩  
香北曰佳律可誦七  
八不恥古人  
東山曰柳州寫真  
勝肖像以格調

水邊秋望

商意江湖足。暮潮回石磯。孤鴻看不見。疑是在天池。

江村秋晚

滿江湖落夕陽收。蘋白蓼紅無限秋。岡上振衣長嘯立。孤雲一片去悠悠。

東山曰  
末句居然唐

成蹊書屋雜詩 十首

夜 雨

蠹冊亂抽盡。青燈中夜微。雨敲蕉數尺。浙瀝入書幃。

晚 鐘

半泓秋水碧。一塢樹梢紅。遠寺鐘聲度。詩成夕照中。

移 竹

繞屋松風足。移來竹數竿。勝情時啜茗。臥聽玉琅玕。

閒 適

魚跳簾外水。鳥度屋前山。永晝琴書在。先生事事閒。

歸 帆

晚潮涵散綺。江色上危欄。柔艣聲咿軋。歸帆下急灘。

漁 火

漁燈千萬點。明滅落書樓。知是貧廚下。清鮮上膳羞。

東山曰  
引典無斧鑿  
痕跡

香北曰  
佳絕

千溪曰  
十絕大抵平  
夷清澹歸帆  
色一首最推出

成蹊詩在

栽桃

植得紅桃樹。年年枝葉萎。主人徒白首。何日是成蹊。

夕照

海雲裁繡錦。邱樹染丹青。夕照危欄外。微茫三五星。

曉風

曉風收宿雨。涼意入林丘。平旦讀書好。呼兒俱上樓。

秋月

村南又村北。皎月滿天霜。獨坐書樓上。秋心在縹緗。

閒居有感

千溪曰  
前聯警句耐  
人咀嚼  
東山曰  
格調整齊天  
衣無縫五六  
何等新奇何  
等勁拔

千溪曰  
字字生動全  
篇無一空響  
妙用草廬殊

微宦多年幾斷萍。人間在野乃康寧。草經膏雨自生逕。  
花向春寒空落庭。肘後印拋輕半世。眼中釘拔荅清廷。  
門扁從是塵喧絕。偏得同心歌獨醒。

偶成

秋風桑柘入耘耔。犁雨林邱日晷移。梁甫吟休酣睡足。  
草廬三尺有誰窺。

閒居讀書

野服黃冠隔世榮。縹緗別有故人情。炎趨寒棄還堪笑。  
白眼青燈別夜更。



千溪曰  
雖無奇警亦  
可誦

春曉 二首

紗窗夢覺月斜西。匝枕新鶯隔谷啼。知得隣翁侵曉起。  
茶煙裊裊柳邊迷。  
宿雨初晴晨氣清。東窓微白月沈明。霞綃淡抹春山色。  
聽得黃鶯三兩聲。」

春郊口占

吟筇踏遍野橋東。柳暗花明道自通。麥壠菜畦農務少。  
牧童叱犢夕陽中。

客舍聞子規

東山曰  
末句摩老杜  
之疊

千溪曰  
風調爽朗亦  
是唐音

郵亭夢覺思縱橫。落月西窗杜宇鳴。孤客不歸春欲暮。  
一天微雨過江城。

夏日村居

永日開窓雨後天。群蛙閣閣聒門前。茶煙禪榻閒天地。  
一卷南華午夢邊。

寄琴述懷

半生潦倒絕知音。留得當年一片心。無奈高山流水曲。  
峩峩漾漾向誰尋。

觀碁

千溪曰  
南宋好絕句

千溪曰  
見調意

先入關中果是誰。漢王如走楚王追。輸贏以外真機在。  
冷眼看他一局碁。

書

千溪曰  
一氣渾成

淳化蘭亭幾展開。北碑南帖意佳哉。休嗤夫子塗鴉事。  
結構臨池做古來。

題 畫 二首

千溪曰  
是元人口吻

一牛鳴地曲溪潄。綠樹如煙罩遠岑。日永山樓人不到。  
半簾疎雨伴孤琴。

一路崔嵬度碧皴。半溪樓閣絕風塵。老慵獨領臥遊樂。

水自潺湲山自嶙。

詠 物 二十五首

劍

星文錯落發硎新。靈武神威在活人。匣底深藏時拂拭。  
滿窓虹氣射蒼旻。

硯 二首

硯海玄淵無底涯。洋洋墨瀋決丘陂。倩將椽大一枝筆。  
滿紙雲烟躍黑螭。

端研從來耐久朋。新陳筆墨幾沈升。兼金不換書樓上。

東山曰  
筆鋒犀利于  
莫不啻

萬古文心伴一樓。

筆 二首

薄緣畢竟伴非才。矻矻紙田勞可哀。退筆塚前多感慨。等身殘稿淚空催。

文房四友舊交新。偷薄由來如厥人。最厭翩翩泉筆子。

秋蛇春蚓極輪囷。

墨

詩債纒酬筆禍隨。半生遭遇奈陵夷。任他今日臨池上。勦策高馨廢墨碑。

東山曰  
後半句綴色  
絲聲敲寒玉

紙

由來載道存斯物。竹簡漆書何重輕。莫謂人情如紙薄。百年清白楮先生。

煙 草

世上少年矜氣稠。一朝感染喫煙尤。名詮自性阿房草。薰殺人間真骨頭。

馬 二首

伏櫪久甘凡馬傍。曉來奈此滿天霜。智過管仲材千里。五百兼金死骨香。

東山曰  
楮先生知已  
調亦整齋

春風一路馬蹄驕。山畔水涯停紫鑣。除却滿開櫻樹下。無情奮勇落英飄。

貓

寢有稠衾食有魚。逸居嬾睡戲簪裾。平生偏恃阿嬌寵。不顧尋常捕鼠譽。

犬

雄桀古來推薩葵。南方强悍與人豪。可憐風氣百年變。里犬老老洋種毫。

牛

痴態牟牟勞力耕。哀哀舐犢見温情。憐君伏櫪暮年迹。喘汗斜陽輸重行。

牧童

斜陽林外草萋萋。一路遙通古渡西。忽見小童乘犢去。笛聲帶月過清溪。

東山曰  
所謂有聲畫

漁翁

一篙春水沒漁汀。近岸浮鷗浴嫩青。渾把機心付蓑笠。江湖風雨酒初醒。

村女

成語詩集  
俚歌數闋入城闈。孤蝶來追肩上薪。豐豔如花花亦妬。  
負星蹈月過三春。

貧女

桃花落盡綠陰加。之子芳緣今歲差。可識水翁偏愛在。  
赤繩先結富豪家。

樵夫

盡日采樵雲外巔。車薪僅買數緡錢。歸來忙喚一尊酒。  
醉臥茅檐寒月前。

小吏

夜歸晨出利名爭。襤襪豈堪長日情。莫問犧牛姿態好。  
人間爲吏辱乎榮。

教師

掬糞爲農折臂醫。悔吾容易作人師。菁莪幾歲無三樂。  
無奈滔滔斯道衰。

書生

世上青衿意氣沈。蟹行文字本侵淫。可憐天下無腸漢。  
滿肚經綸何處尋。

賣卜者

尺 踰 詩 本  
失脚來投賣卜師。飄蕭白髮影相追。不知夫子身邊事。  
書筭風塵落日悲。

食 客

魚輿有給奈無家。彈鋏微吟寵遇加。食客古來多傲語。  
可知燒券屬斯爺。

乞 丐

垂髻憐汝別雙親。半世遭逢奈宿因。不食嗟來多我義。  
鶉衣包底是真人。

山 僧

出世間維入世間。色空一樣撤門關。水梭花發鑽籬到。  
夜磬朝鐘事事閒。

除夜卽事 二首

短景催來歲欲除。寒燈猶剔讀殘書。窮陰佔俾儂家法。  
兩髻蕭條奈雪如。

節物匆匆驚逝川。半生腕孰亦將顛。功名畢竟非吾事。  
枯研猶磨守歲天。

大正七年

戊午元旦 六首

千溪曰 漁翁一首 爲  
詠物 粗相半  
首 精粗 五  
卷 漁翁 一  
北 卷 一  
香 北 卷 一  
詠 物 一  
人 詠 物 一  
筆 端 無 險 觸 君  
易 隨 筆 成 無  
力 有 天 分 洵  
可 驚 矣

東山曰  
一結莊重

日出扶桑第一峯。韶光先入海邊松。堯天華祝知誰力。  
謹賦宸題拜九重。

千溪曰  
以上五絕句  
意到筆隨

已送龍蛇厄。新加犬馬齡。簡篇猶在手。吟骨奈零丁。  
祭詩加馬齒。驅鬼餞年蛇。吟骨稜稜在。庭梅一樹花。  
風塵加馬齒。身世餞蛇年。伏櫪猶千里。老來存一鞭。  
半生鴻爪雪。雙鬢二毛霜。馬齒還加一。斯心寵辱忘。  
瞳瞳初旭涌東瀛。四面江山越樣晴。置到椒盃含試筆。  
隔將梅塢拜宸城。千年雅藻青松色。萬壽詞章丹鶴聲。  
戎馬連邦猶慘毒。右文何幸賀王正。」

千溪曰  
神完氣足筆  
墨勁道殊推  
傑製

一月三日生誕日書懷

五十餘回裘葛加。桑弧初志易蹉跎。蓬離萍斷三千里。  
覽揆辰朝感慨多。

寄澁谷香北詠宗

白眼對人名利前。不違親又不求仙。薩南藝苑推耆宿。  
香北芸窗闢別天。詩趣琴心依夙契。蜂情蝶意伴芳緣。  
每逢好景宜偕樂。花月優遊年又年。

千溪曰  
其人可想可  
欽  
東山曰  
新五六烹陳爲

瓶花

水仙霜後發。梅蕾雪前勻。一味清新意。十分天下春。

閒適

自脫衣冠未幾旬。翻雲覆雨兩眉顰。柴門晝靜無人訪。滿眼風光耐養真。

送人之京都

故人京洛去。千里路蒼茫。三疊已終曲。暮雲離恨長。

四時讀書樂

第一句襲朱文公原韻

春

讀書之樂樂何如。黃鳥綿蠻出谷初。曉起樓臺吟諷好。無邊韶景眼中舒。

香北曰雀羅之歡古今同一般

千溪曰與曲終人不見江上數峯青異曲同工

夏

讀書之樂樂無窮。林樾風薰卷帙中。塵氣不侵江閣上。一簾涼味入芸櫳。

東山曰佳作

秋

讀書之樂樂陶陶。一夜西風入近皋。燈火可親涼可愛。獨操硃筆註離騷。

冬

讀書之樂樂何尋。風雪蕭條夜色深。手卷初知已非我。殘燈照盡古人心。」

千溪曰四時之中夏白秋二絕最推



四庫書目 五首

經 二首

先知逝矣後知零。不仰不鑽誇至靈。人道危微今古歎。  
世間賴有十三經。  
孔壁函中經籍求。人間孝道憶尼丘。可知秦火炎炎勢。  
不及滔滔洙泗流。」

史

忠奸淑慝事紛紛。世上史論多舞文。請見麟經三傳說。  
誰人畢竟渭涇分。

子

老莊楊墨已高渾。千古幽玄大道存。莫謂異端斯害已。  
百家畢竟本儒門。

集

人間不朽文章在。論策賦騷傳錦心。四庫藏書分集部。  
由來經國此中尋。」

書 懷 五章各用五采之一而成句

白

江湖亂絮半生奇。雙鬢添來幾片絲。唯涅不緇元皓皓。

東山曰  
大觀則或然  
然僕不能左  
祖但詞筆圓  
如環無端

千溪曰  
五首皆是達  
人之言自非  
腹簡便者  
香北曰  
腹簡便下  
筆立作佳篇

白駒不繫奈斯衰。

黑

誰辨雌雄俱曰聖。豈分天下百年公。太玄二解人知少。閻裡黑牛今古同。

赤

四維赤地奈頽風。腔裏丹心半點空。一世滔滔朱紫奪。相看面面不含紅。

青

一世青衿底事期。塗蚨矻矻日相追。出藍不講師資廢。

黃綠裳衣貴賤差。

黃

朱門先達利相爭。黃白逾多羽翼生。天下澆漓何世改。百年畢竟俟河清。」

薩藩詩史 十九首

烏津氏

不管劉羸蹶與顛。山河千里別開天。負嵎猛虎無人制。瓜瓞綿綿七百年。

忠久公

千溪曰五章皆有出  
故來歷尋常  
縵紅影紫之不  
徒所夢想不  
及也  
東山曰  
筆力雄健與  
題相稱  
僅能言二十  
字真相而無  
蕩真何等壯  
餘詞亦雄壯  
有見懸瀑之

創業有人興薩摩。間關閱歷幾干戈。三州茅土自中世。古碣青苔霜露多。

桂庵玄樹

陣雲黯澹歷邦疆。萬古斯文奈喪亡。何識眞儒出方外。烏陰早有曙陽光。

傘燒

不俱別有家仇在。付與兒曹期後圖。今日復逢燒傘節。百年忠孝憶曾孤。

義士傳讀

千溪曰此老一出天未喪斯文

千溪曰明似雪三字殊妙

史篇讀徹袖頻沾。四十七人忠孝兼。今夜月光明似雪。儒夫可立鄙夫廉。

妙圓寺詣

關原是我曾稽山。嘗膽於今憶苦艱。一百行程妙圓寺。徹宵環甲疾驅還。

日新公

少小流離幾轉蓬。右文左武見斯公。一丸打得神儒佛。遺澤于今謠國風。

新納武藏守

千溪曰闔國無人不仰遺風東山曰語尤切於其筆人非唯意到

千溪曰  
雄傑太平反  
觀却好

才華雄傑老逾隆。闔國模楷仰武翁。卻笑猿郎謾伸手。  
太平寺畔氣如虹。

義弘公

老來養病在軍聲。千古雄風真可驚。最記當年庚子役。  
殿前孟反博驍名。

東山曰  
一結流暢可  
誦

柏州和尚

紫衣勅董妙心筵。當代鉗鎚憶老禪。隻手聲中存別法。  
一關透破玉宸天。

千溪曰  
百練機鋒直  
破三關

琵琶歌 二首

四絃裂帛切嘈嘈。一曲彈來意氣豪。能使國人疎鄭衛。

彬彬文質習尤高。

忽而雨又忽而風。鐵撥嘈嘈馬蹴空。一座無端只嗚咽。

不論兒女與英雄。

千溪曰  
掩抑聲絕無  
聲勝有聲處  
得勝摩琵琶  
神韻

鄉中制 二首

鄉中結約幾追陪。交道切偲推二才。相戒偏文偏武弊。

三州醇俗有由來。

雄藩久養武兼文。剛健遺風千歲薰。人若欲知南國俗。

來觀年少社中群。

東山曰  
當明治中興  
蘇州讀出諸  
豪傑知其非  
篇然而也

東山曰  
奈原繁  
會語以  
謂田屋  
動客時  
以事與  
山五郎  
等七人  
定命奉  
與之餘  
拔刀相  
不電光  
狀雷云  
有讀是  
淵是源  
也知果  
千健兒  
霄兒意  
氣摩

示現流立木打

士人養武有緣由。劍法傳來示現流。打打一心存意地。奮前驀地斃而休。

英艦擊退

禦侮由來我家法。不容小醜犯封疆。薩南自有男兒在。萬里全生報虜王。

諸燒酎

會唱兵兒第一歌。如今意氣奈銷磨。爛腸畢竟杯中物。諸耐斟來黑貯塙。

千溪曰  
南洲翁  
知已

大南洲

經綸滿肚贊皇猷。羣小誤機吾事休。天道循環始無恨。千秋血食大南洲。

島津三公銅像

茅土相傳七百年。依然形勝舊山川。勤王唱義曾趨闕。造士養兵先著鞭。櫻嶽雪晴紅日麗。錦江波靜白鷗眠。回首佇立金人下。老樹風號感慨牽。

江上夜泊

篷窗月落雪江湄。蘆白星寒滿目悲。夜永搖搖孤枕冷。

千溪曰  
城句切  
東山曰  
僕亦曾  
勝讀去  
二聯懷  
圖宛然  
景宛然  
宛然撮  
影實

千溪曰  
神韻縹緲

夢迷一路故津涯。

松尾城址 二首

城在大隅建武中榆井賴仲據焉北將來攻城陷賴仲奔入大慈寺而自殺

山阿寂寂入榛荆。一路來尋百雉城。不說當年成敗事。

長松樹下立秋晴。

王氣銷沈霸氣隆。古墟何處認羆熊。山城一自將星墜。

唯有蕭條細徑通。」

榆井賴仲墓下作

幽院禽啼磬歇邊。草肥松老傍清泉。寶池庵古苔碑在。

東山曰  
不道破反佳  
詞亦幹旋得  
宜

千溪曰  
荒涼之狀寫  
得淒絕

千溪曰  
有低回不能  
去之感

東山曰  
三四執夜來  
之針縫天孫  
之錦

雨雨風風六百年。

寶滿寺 二首

滿庭秋老半泓霜。竹樹風悲雨過岡。寂寂空齋無客到。

敗爐煙冷有殘香。

疎柳門前對翠嵐。野花一逕映澄潭。千年陳跡幢旛影。

落日秋風冷古龕。」

成蹊書屋卽事

一碧瑠璃六六灣。風煙收入小窗間。先生不管是非事。

但見白帆來復還。

千溪曰  
清幽岑寂使  
人思其境趣

千溪曰  
高人一等

有所思

昔人浮海我何之。三逕秋闌五柳悲。今日胸中無限感。蒼天不語有誰知。

拜陞敍之恩日謹賦

尸祿多年媿老鴛。卻知今日聖恩殊。秋風短髮空彈鋏。春雨寒燈獨叩壺。人事險于過峽險。我儂愚似刻舟愚。生逢昭代無成處。吾鼎亦銘饘粥餬。

西教絕句 二十首

基督降誕

千溪曰  
二一十八字  
一浮泛蓋得  
意之詩成失  
東山曰  
三之意使人咀  
嚼不盡

千溪曰  
七八雄渾能  
免七律之病  
東山曰  
前聯是景後  
聯是情虛實  
兼至詩亦不  
板套

太初有道道偕神。半夜童貞入夢娠。救世從來由獨子。呱呱叫斷福音真。

福音宣傳

寢無衾枕愧狐禽。終歲栖栖說福音。公道豈何論國境。唯傳天父愛慈心。

基督教

世上曾無基督潔。人間罪過奈滔天。救拯唯有羔羊血。橄欖山頭片月鮮。

山上垂訓

成蹊詩存  
聖經六十有餘篇。神意先從馬太傳。千歲不磨山上訓。  
直提祕奧啓人天。

野百合花

此花畢竟爐中物。特樣天恩何美加。見所羅門宮裏巧。  
不如豐艷一枝葩。

二羽之雀

二爵么微賣一錢。斯生尊貴倍千千。小禽不墜天恩在。  
矧復人間惠福全。

放蕩子

蕩兒幾歲隔天涯。辛苦遭逢事數奇。正是豚樊身欲餒。  
星寒露冷憶深慈。

十字架

荆冠受辱憫饑山。十字架邊流血殷。畢竟淒酸天意在。  
可知救濟落人間。

基督復活

墓門三日明衣在。知是甦生去上天。若使耶蘇無復活。  
何過一樣世間賢。

聖誕節 三首



帝子辭尊自帝傍。人間誰不仰榮光。何須世上區區辯。來見當年刑磔場。

永生畢竟又維仙。更說愛人兼敬天。佛老不知神啓教。

三才共仰降禧年。

工匠治生居里仁。一朝說道與神親。王王主主斯君在。

尤其是當年刑架人。

摩西

辛苦遭逢四十年。漠南漠北事迍邐。箇中唯有摩西信。日夕獨望雲火天。

詠讚美歌第四百四十四番大意

山徑崎嶇前路茫。孤心寂寞對斜陽。松濤時有天樂響。

客夢平安遊帝鄉。

耶蘇之遺教

約翰傳第十三章

十架在前偕與神。解衣濯足事循循。爾曹亦互宜相愛。

百世模楷誠命新。

同 第十四章

一

我將去世爾安心。先備所居還再臨。仰見父家多第宅。勿憂唯信愛借深。

一一

我道也還真與生。由之詣父得和平。神無使爾為孤子。一愛循循千萬情。

同 第十五章

我葡萄樹父場師。幹克連枝結實滋。金口說來言切切。爾偕神處愛無涯。

同 第十六章

人間多難世屯蹇。我已勝之爾毅然。唯愛出神無失墜。平安畢竟屬皇天。

同 第十七章

言竟仰天還籲名。父乎使子爾偕榮。唯祈一致兼潔別。聖愛在神我事成。」

寄澁谷香北詞宗

良觀未伸函丈前。平生私淑仰詩仙。薩山迢遞雲垂海。隅水茫茫月度天。已訂清交知夙約。亦聞同信喜奇緣。參商兩地縱相濶。不見一朝如十年。

千溪曰  
先生精通西  
教故篇々皆  
當肯察

千溪曰  
景仰之情見  
行墨間  
東山曰  
前聯晚唐遺  
響

千溪曰  
豈尋常之跡  
鷓鴣子哉

去薩摩

幾歲官遊在薩陽。出關今日去倉皇。慇懃最謝蹲鴟子。  
一味野香何可忘。

江樓對雪 二首

高樓月霽雪餘天。一白江山分外鮮。姑把素琴爲野調。  
勾當溪上子猷船。  
十里長江雪始晴。登樓獨領畫中情。唯看水際鷗眠外。  
有客孤篷亂棹行。」

東山曰  
非獨使子猷  
興不盡使讀  
者亦興不盡

東山曰  
一幅活丹青

冬 曉

千溪曰  
清楚動人

大正八年

登犬山城臨木曾川

白帝城千仞。登攀第一樓。十州雙眼潤。今古水悠悠。

觀鵜飼

索條元在手。離合任游鷺。擒縱存真訣。漁翁得意時。

下木曾川 二首

蘇水遙遙蘸翠巒。單篙倏下十三灘。歸來城上凭欄坐。  
片夢先浮第一湍。

千溪曰  
全篇不用一  
虛字道麗洗  
鍊五言上乘

千溪曰  
起手勁拔奇  
東山曰  
三四意味深  
長

怒湍雷震峽。一棹葉如翻。這裡真機在。欲言已忘言。」

己未夏假偶成 二首

杜門謝客三旬久。砻砻讐書亦等身。世事不關名利外。

卻驚商意逼蒼旻。

庭院芸香動。考槃人自閒。臨池由古法。簪馬響珊珊。」

病牀感慨

老病三旬久。枕頭菊一枝。欽君霜下傑。嗟我晚香衰。

田家早梅 二首

窗外梅多少。南枝已著華。歲餘人給足。韶景滿田家。

千溪曰  
晚香衰三字  
用來靈海

千溪曰  
輕拂太好

春到江南水上村。吟筇出郭趁梅墩。和風暖日鶯啼處。

一脈清香入葦門。」

鐵道殉職者追弔祭日作 二首

斃而已矣殉公誠。猛進便成身後名。齋沐奠羞神格日。

焄蒿悽愴不勝情。

猛進糜軀殉公事。餘榮千載有聲名。招魂今日時羞奠。

悽愴何勝霜露情。」

大正九年

庚申紀元節日大雪

千溪曰  
大雪之中覺  
春溫動

雪花片片暗雲紛。四海風潮渾未分。獨有聖恩孚億兆。  
七千餘萬仰斯君。

訪早川淡水老契有作 二首

千溪曰  
詩亦清淡如  
水  
東山曰  
完作

潤身潤屋盛聲鳴。博得千秋不朽名。欽仰先生心事淡。  
淡如水處見高情。

千溪曰  
澆季之世若  
人難得

單筇來訪學仙樓。壺洞秋闌顯氣幽。四友在堂清福足。  
高風千古軼時流。

大正十年

寄勝浦軻雄先生

千溪曰  
榮寵著我一  
聯可充小照  
東山曰  
二聯受玉敲  
金

菟裘新卜牛門地。游宦多年幾處遷。榮寵光身齡六十。  
菁莪在泚士三千。俊髦猶侍詩書會。孫子又陪花月筵。  
只合餘生丘壑老。風流長屬箇中權。

大正十四年

松原大佐遙見贈有磯遺稿二本仍寄懷

有磯遺稿哀集故加賀藩儒松原千秋先生詩文者也先生元治元年甲  
子變殉於國事朝廷享祀于靖國神社贈正五位以旌殉難之節

經國文章豈偶然。志存大義幾連遭。提封百萬士中士。  
遺響長留殉節篇。

神戶村上君子森新築邸宅竣工設宴致客余

千溪曰  
詩筆遒森長  
照汗青

亦與焉賦此以賀君少小處窮困乃慨然發憤

夙興夜寐勵行四十年如一日竟至富累鉅萬

實立志傳中人也

辛苦遭逢起備陽。星霜五十夢茫茫。如今潤得身兼屋。

舉火因君幾百房。

昭和二年

丁卯新年偶成 三首

喜逢六十一回春。華髮飄蕭志未伸。多謝人間康樂足。

清風竹外岸烏巾。

千溪曰  
吾輩風塵擾  
々之中一生  
甘鳩巢耳

千溪曰  
三首共語意  
極真率

不管崎嶇世路艱。煙霞養壽一身閑。尤欣濟勝具猶足。

蹈破平生未到山。

駸駸歲月夢中馳。鏡裏自驚霜髮絲。惟有人間三樂在。

曾無浮世利名維。」

昭和三年

戊辰新年感遇

一水幽篁外。猗猗絕世塵。主人方矍鑠。芸閣十分春。

昭和四年

己巳元旦 三首

千溪曰  
比擬嬌々

馬齡六十又加三。碌碌此生心可慙。矍鑠唯誇眠食足。  
上鞍顧眄用猶堪。

卅年爲客老江湖。數架詩書獨守愚。風打雨敲窗外竹。

孤高清節我知吾。

老去自欣頑健身。白頭猶剩舊時眞。滿棚書卷滿床畫。

領略一家天下春。」

宸題田家朝 二首

村家朝竈起炊煙。山北山南曉靄鮮。宿麥青青含暖氣。

春光先在遠林邊。

兩三茅屋帶霜清。竹外梅花曉色明。滿眼生生風氣動。  
千山萬水入春晴。」

己巳歲晚書懷 二首

樸學風塵五十年。一生佔俸有誰憐。自欣蹭蹬猶全性。

殘夜寒燈伴蠹編。

六十三年酸感滋。平生得失自堪嗤。請看凜烈風霜底。

落落雄心竹獨知。」

昭和五年

賀藤波千溪先生古稀壽

千溪曰  
兩首先生之  
抱負自見

挂冠高臥會山邊。翰墨風流絕世緣。執法無私伸枉屈。窮情有理解關連。良辰美景花千種。酒味詩懷月百篇。鶴髮童顏齡七十。人間呼做地行仙。

東坡生日千溪先生招筵 得真

有宋奇才第一人。行雲流水自天真。江山多難黃州路。風月無邊赤壁濱。千古文章尊拱璧。畢生窮達付浮塵。壽蘇今日足清興。幾瓣心香降誕辰。

病中吟 十一首

連旬臥病負韶華。綠樹陰濃日日加。唯有慇懃恩煦物。

千溪曰  
懷懼之中自  
有會心之處

千溪曰  
有出門一笑  
大江橫之概

千溪曰  
想見甲山嵐  
氣莽海波光  
來落眉睫之  
間以怡先生  
病顏

千溪曰  
詩亦古樸覺  
與時流異選

千溪曰  
似謫不謫蓋  
實際之語

枕頭擅見滿餅花。

嘗盡人間幾窳窮。乃知禍福本相同。塞翁馬上時回首。

一路長安大道通。

稍得小康心自閑。松濤靜起藥鐺間。今朝獨上高樓見。

滿眼韶光壓瘁顏。

少小遘陽九。風塵形影慙。人情輕足忍。世路險猶堪。

螢雪曉昏勉。苦辛飴蜜甘。芸窗黃卷在。古道益逾覃。

纏綿猶臥病。未免讀書淫。犯禁時排悶。醫來遽隱衾。

世上窮通本一如。人生畢竟有乘除。請看曲折東流水。



忽地復騰歸太虛。  
 一病人情厚薄知。這般真味又堪嬉。數番花信縱頻到。  
 不問春風吹不吹。  
 春寒料峭冒孤身。火閣重衾憂采薪。最喜門生三五輩。  
 殷勤來訪夕還晨。  
 春光底事等閒過。寂寂空齋養舊痾。六尺牀中一天地。  
 臥遊數幀畫圖多。  
 盡日蕭蕭雨。人稀病自寬。臥遊山水足。畫幀枕頭看。  
 堪驚節物倏推移。臥病數旬春半之。羸骨素髯情易動。

千溪曰  
似章柳

千溪曰  
羸骨殘花一  
聯真情實語  
動人尤深語

千溪曰  
不陷壽言窠  
白筆墨妍道  
太妙

殘花綠樹景難追。功無毫髮濫佗惠。詩有瑕疵煩我師。  
 遮莫人間窮達絕。讀書樂命了生涯。」

賀笹倉新治先生古稀壽

窮隳人天誰得精。壯將斯道育羣英。燦然色照古稀讌。  
 一朵晚香分外清。

庚午歲杪偶作 二首

寂寞山河風雨驚。奇窮潦倒奈殘生。滿羸唯有縹緲在。  
 守歲燈前心自平。  
 獨坐孤窓夜幾更。蕭蕭落木北風鳴。暮年賴有遭逢泰。

例祭吾詩別短檠。

昭和六年

宸題 社頭雪

參天松壓廟頭雄。滿地雪殘華表豐。神境無端呈瑞色。肅然立盡曉暎中。

新年偶成

世態推移多淚痕。人心危殆道心昏。遭逢聖代空垂老。猶草救時三萬言。

一月三月初度感懷

千溪曰  
老而能發憂  
世傷時之言  
猶不是失敦  
厚之真旨也

千溪曰  
三四蓋謙辭  
也

覽揆之辰却自嗤。又逢六十五回期。休言資歷如煙霧。筐底猶餘數卷詩。

一月初三鈴木東山先生招宴席上分韻得春

斗柄回來眼界新。重光麗日滿城闈。昇平有象山河改。艸木亦添三日春。

見寄岡崎默堂遺稿賦呈同夫人 二首

乘雲飄忽去。繡口錦心人。縱使埋詩骨。遺篇與世新。』  
溘焉捐館去。不朽有斯人。浮世雖如露。朝朝新又新。』

讀高橋樂水翁詩存 二首

千溪曰  
風骨稜々其  
人可想

剗腕功成鬱若雲。全斑窺得豹皮文。瀾城學術由來久。  
當代儒宗獨見君。

峭寒半夜透窓櫺。獨讀遺篇意氣雄。奇節凜乎誰得奪。  
聲名不朽有斯翁。」

侍陪千溪先生壽蘇會謹賦呈

一生寵辱付雲煙。笠屐畫圖遺像傳。景仰有人東海國。  
生辰例薦壽蘇篇。

憶蘇長公 二首

世上窮通那處邊。眉山秀色自依然。乾坤不朽文章在。

千溪曰  
佳謔

風雨蠻村笠屐仙。

烏臺值奇禍。蓮燭荷餘榮。竹外梅花發。與公心迹清。」

寄鶴鶴會諸老

禿頭翁諸同人之會同也

鶴髮全無顛濯濯。容如月柳氣如春。此間清福君看取。  
畢竟多年磨勵人。

三月吉日城君一男成婚

三月天桃早已開。花前共話合歡來。人間如是春光好。  
琴瑟相和亦樂哉。

千溪曰  
爛熟之極  
却近平夷  
風調却  
高明如  
讀唐詩

飛驒高山途上口占 二首  
此遊何肯縱吟情。闔國期傳木鐸聲。看過窗前春滿眼。  
鸞輪驀地向嵩城。  
夕陽桑柘幾林邱。半百行程處處幽。水自潺潺山自碧。  
春風一路入飛州。」

題蘭亭圖卷 二首

羣賢畢至暮春時。觴詠暢情河曲湄。憶到當年多感慨。  
我今一卷此橫披。  
一卷橫披修禊圖。茂林脩竹水回輻。右軍興感空今古。

千溪曰  
自唐人詩  
點化來妙甚

傅彩傳神亦絕無。」

見桃花 二首

雨歇春江漲。桃花夾岸開。故人家在此。輕棹盪舟來。」  
十里春風溪上村。恍疑一路入桃源。夕陽雞犬家多少。  
兩岸紅霞花不言。」

寒食

萬戶煙銷花柳新。東風剪剪雨絲頻。滿城人寂介推日。  
輕煖輕寒一夜春。

過湘江有感

來弔湖湘水。滔滔日夜流。靈均何處去。萬古尙留憂。

綠蔭生晝寂

千章夏木鬱成林。午寂薰風滿地陰。高閣獨燒沈麝處。  
太玄讀了子雲心。

過汨羅有感

斯水猶清徹。于今足濯纓。世人皆混濁。不耐救時情。

餞春

風雨門前十日泥。愁心鬱鬱嬾拖藜。三春遊跡那邊覓。  
綠樹陰中鶯亂啼。

竹醉日 二首

窗外移來竹一叢。翠陰六月引清風。此君獨有高標在。  
盡日對吟塵慮空。  
水竹樓前植竹看。清風明月玉珊珊。此君高節誰能似。  
忍作江湖一釣竿。」

燕子花 二首

一犁雨過斷紅斜。濯出池頭杜若花。憶昔風流公子事。  
盛名千載妙詞華。  
雨歇風輕日正長。一池清淺浸蒲菖。睡餘院落人無事。

燕影參差紫夕陽。」

岡本寶積寺 二首

峯頭遙認覺王臺。徑斷招提境忽開。古佛有威塵不犯。諸天春雨護青苔。

眼前現出古禪臺。八萬四千門又開。山色溪聲充法界。人間滿地總荒苔。」

田中大秀翁墓下作

翁飛驒高山人。在名神社祠官也。從本居宣長學國典學問。淵博著書有數十種。為新學泰斗。門下多士。濟々飛州文學之隆。實由翁之力。多矣。弘化中歿。

先生學殖孰追陪。一代遺篇究洽該。峴崱位山攢翠秀。

千溪曰  
妙在可解不  
可解之間

千溪曰  
一五十六字無  
懈筆可擊  
完製足傳蓋  
近業中之傑  
作

潺湲宮水漾清洄。滿門桃李皆宏器。繞墓松杉已大材。百里弔來斜照下。獨摩古碣掃蒼苔。

神戶詩史 三十一首

一谷城中

宮嬙宛似百花園。絃管聲中春已歸。驀地一宵風雨惡。白紅撩亂滿城飛。

晚過一谷

前狼後虎一谿營。落日秋風弔古行。盛者必衰今古事。讀來平語不勝情。

千溪曰  
有漁陽擊鼓  
聲地來之概  
又曰  
所謂歡樂極  
而哀情多者

千溪曰  
詩意俱是唐  
人典型  
又曰  
與不見抵今  
汾水上年年  
只有秋雁飛  
異曲同工

源平氏

羸顛劉蹶閱興亡。今古榮華夢一場。君見平源兩家跡。故邱春雨草茫茫。

神戶今古

三五民家連岸頭。蕭條煙火夕陽愁。繁華今日人闌墮。阡陌縱橫百萬稠。

敦盛直實

城落空憊軍散時。可憐公子篋聲悲。其如情義不并立。敵帥慙慙雙淚垂。

千溪曰  
讀去亦有斷  
腸之想

千溪曰  
孤忠貫日大  
義通天

大楠公 三首

翻旗誅賊命從天。空抱孤忠殉湊川。成敗一時何用問。志存護國萬斯年。

七生魂不泯。萬古護皇猷。八字豐碑畔。向南一水流。誰知奇策與純忠。殉節報君臣事終。六百星霜天定日。碑高八字大楠公。

鴨 越

鐵拐山頭馬亦驕。蓼蓼鼙鼓度岩嶢。九郎雄傑有奇計。忽地西門白旆飄。

千溪曰  
詞氣亦雄

千溪曰  
頗有情致

淡路島  
一髮青螺蘸晚潮。浦容帆影望迢迢。水禽啼過掠舟處。  
孤客不眠宵幾宵。

須磨浦

山勢如濤濤若山。須磨浦杳曲灣灣。眼前浮出蓬瀛島。  
風景依然絕兩間。

摩耶山 二首

攀到摩耶古梵宮。金身丈六現斯中。大圓鏡照十州月。  
積水涵虛日本東。

千溪曰  
清健而圓融  
絕句之最上乘

千溪曰  
氣格雄渾筆  
墨老蒼七絕  
上乘

千溪曰  
非精通佛典  
者焉得臻此

溪水聲清洗俗緣。摩耶寺在翠微巔。登攀磴道三千級。  
仰見妙高忉利天。

處女冢

顏是如花鬢似雲。贈將芍藥意殷勤。春殘風雨無人弔。  
草綠雙男一女墳。

有馬溫泉

兩山相蹙別爲寰。處處溫泉湧石間。冬暖夏清天惠足。  
浴終風詠意殊閑。

楠公祠

千溪曰  
無限凄婉多  
情多恨第二  
句最妙



千溪曰  
廟方昭明  
聖駕臨前  
應感泣九  
原公年

廟貌森嚴千古巍。神猶髣髴在于茲。却思野徑孤松下。僅是一坏狐窟時。

敦盛冢

五輪塔古幾春秋。四大一空唯半邱。憑弔王孫香不斷。人間何必問恩讐。

六甲山

壁立峰巒壓碧空。嵐飛雲湧樹濛濛。登臨下瞰方輿濶。万象森然兩眼中。

布引瀑布

千溪曰  
二十八字  
氣渾成

千溪曰  
起首既快  
結亦相應  
推完製尤

雌伏雄飛二瀑泉。一條直下響訇然。不知漂母今何去。唯見霜縑萬丈懸。

長田神社

白雞磔起對朝暉。朱殿丹楹映翠幃。靈德千秋儼長在。神功餘烈仰明威。

生田神社

靈威赫赫廟廷森。華表柱頭先正襟。瞻仰生田神德儼。參天樹樹鬱成林。

箬梅

千溪曰  
讀去使人  
覺正襟不

千溪曰  
殿曰白雞  
微措字曰  
寫自諳神  
奪眼然而  
德實麗翠

聞道生田祠畔梅。早春依舊復相開。一枝插簾風流事。千載遺芳照史來。

清盛冢

一代豪華夢裡過。福原別業徙銅駝。古平相國眠猶熟。煙雨深籠卒塔婆。

平清盛

覆餗何關燹理功。一朝西攝徙宸宮。滔天罪戾逃安地。闔族垂亡百事空。

福原舊址

千溪曰  
余曾詣此冢  
不得一首今  
讀尊作吟思  
而頓動篇成携  
而應叩君門

千溪曰  
所以騎者易  
滅

千溪曰  
句有來歷極  
覺切實

咸陽三月火。此地一朝墟。淨海兼羸政。宏圖二世虛。

經島人柱

兵庫築島寺

埋人期築島之坡。慘怛松王仁俠多。孤墓千秋香不斷。古平相國奈天何。

松風村雨

遷謫柴荆轉斷魂。松風村雨慕王孫。人間榮辱感多少。月淡須磨關外村。

松風村雨堂

蜚女堂前誦舊歌。可憐薄命幾蹉跎。松風村雨空千古。

千溪曰  
蜚女潮回呼  
應有法何等  
情致

千溪曰  
誰甲菩提者

遠浦潮回感慨多。

中納言行平

謫居幾歲見春回。花落王孫草色催。三十一言詞藻好。幽懷攄得絕羣才。

謁阿保親王墓

在攝津國蘆屋村翠丘

古墳新樹鬱蒼蒼。靈域森嚴感自長。茅海千秋流不絕。翠丘斜日弔親王。

親王寺

千溪曰  
三十一言  
推絕唱

千溪曰  
措字古蒼  
情懷憤風  
亦高居然  
人唐

王孫流憩地。芳躅尚傳今。境寂磬聲歇。低徊古墓陰。

賴山陽先生百年祭日謹賦 二首

尊王斥霸志初舒。翰墨風流屬緒餘。五十三年人不識。蓋棺今日有嘉譽。

水西莊裏布衣身。憂國傷時仰紫宸。史筆終生森氣節。文章滿腹大經綸。遺風且使懦夫起。倡義猶能志士振。追祭重蒙聖恩渥。魂來彷彿九原人。

病中感懷

一病三旬久。幽居事事非。草青梁燕至。花謝塞鴻歸。

千溪曰  
詩筆勁道  
事森嚴使  
于陽先生  
紙上躍然

千溪曰  
前聯唐人  
聯宋人後

千溪曰  
七八見作意

客話時艱急。僧談世道微。人間窮達理。枕上只忘機。

謝戶山醫伯

匣中方藥在。沈痼賴君痊。愁絕冷腸斷。老殘羸骨憐。  
優遊消白日。嘯詠望蒼天。五杏栽來處。陰功憶董仙。

午榻煮茶

夢自黑甜鄉裏歸。煮茶小鼎古池涯。吟餘興湧清於水。  
簷馬風來面上吹。

浴海二首

南薰解愠阜吾財。長日清時意快哉。伴得輕衫童六七。

千溪曰  
句句有出典  
著想亦不凡

舞雩風詠浴沂回。

奇峯兀崕疊雲巍。七月驕陽流火飛。唯有海鄉銷夏法。  
與魚游泳傍苔磯。

聞賣冰聲

赤日身如坐甌中。炎蒸難耐四無風。聲聲時有淨吾耳。  
呼過賣冰斑白翁。

聞杜鵑

孤宦東西已幾年。客窓一夜叵成眠。回頭故國三千里。  
歸去聲中望蜀天。

東山曰  
肯老杜  
轉句雄大  
酷

甘雨應祈 二首

久旱半宵初成霖。夢回頓覺冷衣衾。天壇煙鬱護摩法。  
木末風傳螺貝音。野徑三川流碧玉。江村十里雨黃金。  
可知今歲有餘慶。龍女山頭晨色深。  
春來霖鬱野無苗。入夏真知苦旱焦。齋戒嬰茅民慘澹。  
皇天有感雨崇朝。

千溪曰  
筆三四有神之

晚坐荷橋 二首

夕陽城外絕塵緣。盡日簿書何耐牽。往事高低猶幻夢。  
官情得失又雲煙。澤中蟹步過疎雨。荷下魚跳搖細漣。

之字橋頭停杖立。香風吹送白紅蓮。  
江閣微涼特地加。夢回栩栩讀南華。夕陽橋畔逍遙路。  
月在荷香撲帽紗。」

歸鄉有感 二首

卅歲客游還故園。斯山彼水舊蹤存。最憐俚調喃喃好。  
柑橘依然十里村。  
客游幾處始回轅。白水青山依舊存。堪憫同庚多老憊。  
獨摩往歲棄繻門。

先考妣墓下作

千溪曰  
老來意氣軒  
昂可驚可欽

千溪曰  
字字出肺腑  
問故動人尤  
深矣

墓石苔封墓木秦。先塋憑弔且傷神。低回無語斜陽下。彷彿闔門倚望人。

青海島 在仙崎港外

怪石奇巖波際浮。神工鬼鑿洞門幽。周遊七里趁看好。乃是東瀛青島洲。

下關舟中

六六灘過又數灣。風帆直指穴門關。月明洗滌平於鏡。影動蓬瀛兩翠鬟。

浴山陰東鄉溫泉 二首

千溪曰  
情景並臻風  
格亦高明

千溪曰  
氣格在杜子  
美孟浩然之  
間

千溪曰  
三四自成對

千溪曰  
白璧無瑕

初秋 二首

新涼早已入郊墟。梧葉飄飄日日疎。寂寂園林蟬噪急。遙遙關塞雁行徐。文章覆瓿稿三籠。學問括囊書五車。嗟我猶爲未歸客。秋風千里憶鱸魚。  
火氣衰殘金氣生。一身強健意澄清。虛堂自是繙書好。風露宵長伴短檠。

紫薇花 二首

紫薇花發葉殊青。盤屈槎枒樹百齡。院落無人復爲伴。猩紅烈日傲階庭。

百日紅開百日華。炎陽長夏壽堪誇。難儔水陸羣芳美。矧復朝榮槿薜花。

一日與友山翁期會于避秦庵卽事

曆日新秋夏熱強。林泉期會趣殊長。我儕何幸多閑暇。明月清風遺百忙。

次韻千溪先生病起之作 五首

酒藥尅來姑遠卮。回春今日會佳期。滔滔天下文將喪。

千溪曰  
讀去不覺沁

夫子加餐此是時。

酒有限蕉詩別才。澆胸磊塊百憂摧。不關世上紛紛事。一醉高歌自適哉。

嘔血苦吟君莫嗤。言吾適意自爲宜。滿腔唯有不平氣。拈出一篇蕪淺詩。

婆娑有影映窓紗。新霽今宵月氣加。一病偶閒詩思動。

芭蕉經雨展青芽。

世事煩勞氣似蒸。何求屑屑姓名騰。中年早解纍纍印。衡宇三間樂曲肱。

遊于紀州白濱温泉

溽暑煩蒸白日氳。懷經避脫紀南濱。温泉水滑塵堪洗。  
綠樹清陰卷帙薰。

山園雜詠

夙川大塚攝川邸小集即事

市塵遠隔甲山東。結草數間三逕通。野鳥自啼花自落。  
琴書竟日氣融融。

秋江晚泊

水淺蓼紅蘆白秋。秋江一棹下中流。天涯今夜那邊泊。  
孤客身如不繫舟。

千溪曰  
宋意唐調

秋 柳

西風吹斷故關秋。殘柳蕭條垂陌頭。送別折餘如箇短。  
夕陽空繫幾人愁。

秋山探蕈

灑氣溪山滿。雨餘松菌秋。清香何處動。脚底不知求。

與內村無息翁會于長谷川友山翁之邸即事

訂盟日淺友情深。一夕鬪詩徒苦吟。遮莫盍簪十年益。  
如蘭風氣是同心。

時事有感 三首



千溪曰  
不聽雞聲  
聽盡語不  
起舞語不  
慨志士情  
如是應

烽警荐從關微傳。紛紛蜚語噪於蟬。憂時半夜凭欄望。  
熒惑當西霜滿天。

獨思時局事皇皇。頻聽荒雞意氣昂。擾擾內憂誰保定。

紛紛外患曷平康。梁鴻是日五噫久。賈誼當年三歎長。

半夜高樓秋肅殺。天邊片月影微茫。」

半夜雞聲惡。何時解事端。耿懷眠叵就。古劍一燈寒。」

秋日與東山友山無息半山諸翁

訪白鷗書樓憶河野鐵兜先生

白鷗何處去悠悠。肚裏經綸事已酬。吟斷滿庭花竹秀。

屏風山遠入高秋。

江上聞琵琶 二首

琵琶隔水阿誰歌。楓葉荻花秋若何。一片閒愁消不得。

江樓半夜淚痕多。

萬卒已僵兒亦僵。將軍一曲最悲傷。四絃大小嘈嘈切。

孤客聞來幾斷腸。

小杜停車圖

楓林石逕碧嶙峋。夕照停車岸角巾。刺史詩篇千古絕。

風流畢竟屬斯人。

千溪曰  
起得雄壯  
如急雨到  
嘈嘈而鳴

雪朝早起

夜靜無風寒徹帷。雪晴晨興白埋籬。榻來憶得山陰路。  
一葉扁舟訪戴時。

禪院祭詩

雪意窮陰如劍鉞。詩人日月事皆忘。蕭蕭落木古禪院。  
守歲燈前祭舊章。

辛未歲晚書懷

歲月崢嶸歲欲殘。平生事業奈辛酸。寒梅一片冰壺照。  
龕火祭詩心自寬。

千溪曰  
自一片冰心  
在玉壺來

昭和七年

宸題 曉雞聲

早聞喔喔滿城闐。曉色氤氳特地新。好是天雞聲第一。  
代將應制奏楓宸。

一月三日生誕日感懷

六十六回迎誕辰。育英猶繫老餘身。吟毫剩有江山助。  
自壽尊前感慨頻。

待鷗來舍卽事

微月黃昏春水平。村莊來會舊鷗盟。忽看的皪庭梅發。

千溪曰  
老熟渾圓

領得主人世外情。

新年讌集

麗日重光開歲三。眼華井底讌將酣。新詩早已入梅杪。春興陶然娛盍簪。

月下水仙

素影婆娑滿地霜。寒花冷蘂自含香。輕盈步月水仙子。誰是招來魂斷腸。

壽蘇會席上憶蘇文忠公

遠謫觀來老死生。何關世上辱兼榮。文章千古留天地。

千溪曰  
自涪陽詩脫  
化來者

千溪曰  
公精通禪理  
觀得生老病死  
死宜哉選病  
不驚榮辱會

孤鶴南飛一籥聲。

次大西杉峰翁華甲自壽韻

志在鄉關功已成。千言立地亦堪驚。齡躋華甲壽無量。西望隱洲潮水平。

次淨法寺得堂先生華甲自壽韻

東西跋涉幾山河。如此崎嶇世路何。驅馬當年曾踏雪。挂帆万里且衝波。光陰六十去來速。事業尋常辛苦多。詩酒相逢鷗鷺侶。餘生合付笑呵呵。

雪後題齋壁

有句云窮死不  
前荒吾不恨  
南遊奇絕冠  
平生其高懷  
可以欽也

千溪曰  
前半叙晴後  
清正寫景詩筆

功名事業與心違。獨對琴書忘世機。雪後梅花開半樹。清香早已入簾幃。

初春田舍

千溪曰  
與竹外一枝  
相斜更好句不  
下

柴門茆屋兩三家。獨木橋邊野水涯。二月江南春尚淺。疎梅出竹一枝斜。

觀梅

千溪曰  
風神清絕自  
似梅花

一痕懸得月昏黃。脈脈春風送暗香。忽見水邊梅數樹。吟魂恍到嶺南鄉。

狐王祠

千溪曰  
奇警可誦

一帶岡陵幾樹青。渥丹華表列如屏。可憐狐子首丘處。血食千秋猶見靈。

春草

雨後江村草色肥。春光容易減芳菲。一枝杖藜夕陽路。隨意踏青猶未歸。

落梅花

限韻

故鄉有母夢頻回。旅館無人淚復催。何處落梅花一曲。洛城三月笛聲哀。

夜看牡丹

千溪曰  
實情吐露謂  
之真詩

千溪曰  
真個賞花者  
也

姚黃魏紫可相憐。春色滿欄爭麗妍。歌管樓臺人去後。  
半宵燒燭照花眠。

聞滿洲建國有感

漠漠戰雲隨處收。蕩乎王道及邊陲。請看乃祖發祥地。  
日月高輝新滿洲。

待鷗來舍雅集

解慍南薰竹下風。七賢六逸賞心同。詞盟相伴鷗來處。  
對坐清陰數畝中。

新竹 二首

千溪曰  
句句能中肯  
綦二十八字  
勝千萬言

千溪曰  
風韻爽朗蓋  
在作者為別  
調

新竹成陰一榻傍。牽人午夢落瀟湘。簾波碧漾清風滿。  
憂憂聲生六月涼。

猗猗新竹幾檀欒。風影婆娑舞鳳鸞。我與此君茲卜宅。  
人間六月夏生寒。

灌 佛

佛滅以來像末經。人間悟悟幾迷迷。年年灌佛例成會。  
四月薰風山寺西。

送長谷川友山翁之朝鮮 三首 次韻

去追歸雁負春花。水碧沙明一路賒。滿眼山川隨處在。

千溪曰  
次韻無痕三  
絕中白眉

千溪曰  
突兀而起悠  
緜而收

天教清景屬詩家。

故人倉卒向天涯。目送迢迢遠樹霞。長驛短亭三百里。

不知明日宿誰家。

欲賦新詩寫舊蹤。揮毫滿紙墨痕濃。巨靈招隱應相待。

攀盡蓬萊第一峰。

午睡至暮

鑪香欲燼入華胥。夏木千章簾影斜。一枕夢醒斜日沒。

薰風吹拂讀殘書。

觀煮繭

千溪曰  
高太史之後  
勁

千溪曰  
自無名氏  
婦詩點化來  
者

南風五月早涼流。烹繭綠蔭勞苦稠。高閣身纏綉衣者。

只知溫飽不知憂。

梅雨後一日訪山寺 限韻

得得乘晴杖屨隨。黃梅子熟雨餘奇。尋詩來訪古禪院。

竹緯松經斜日遲。

防長人

正氣堂堂天地間。生遭變革不辭艱。防長男子存奇骨。

復古功名列閣班。

詠平家蟹

菰蒲細雨挺身輕。潮落平沙郭索行。手執精兵頭擐甲。七生猶護故皇城。

秋近頗有涼意

梧桐疎雨晚來晴。燈影半窗詩味清。天地先知秋意動。階前一葉落無聲。

芭蕉雨

翠滴尺餘葉。清陰濃掩琴。蕭蕭三日雨。庭院和幽音。

明皇私語圖

私語勿言聞者無。半宵笑指二星俱。人間長恨何時盡。

千溪曰孟浩然句云  
疎雨滴梧桐  
朱文公句云  
階前梧桐葉已  
在秋聲鎔化自

千溪曰  
短篇之妙不  
讓孟郊

千溪曰  
天猶有耳捫  
舌涯思

忽見煙塵冒蜀都。

秋林放鶴

清澄灑氣滿秋林。應惹凌霄萬里心。我上高臺今放汝。踟躕好去大江潯。

新羅三郎吹笙圖

朔域陣雲經幾年。關山赴急路三千。笙聲吹徹一天月。遠別有人家曲傳。

覓柑

野人門外夕陽沈。十里江南柑橘林。顆顆纍纍飽霜熟。

千溪曰  
詞氣道勁猶  
鶴冲九霄

千溪曰  
青錢黃金湊  
合太妙

青錢留得數黃金。

達磨忌

一葦西來萬里身。禪機不契渡江津。重關透破嵩山室。柳綠花紅面目新。

新婚

桃李天天春色妍。約成合卺是前緣。鴛鴦池上影雙泛。琴瑟室中聲細連。接物數驚人轉變。經時更覺事迥遷。此間有信神垂愛。酒在迦拿昔日筵。

賀柏堂田中翁古稀壽

千溪曰每句皆有來歷所謂一鐵破三關者

五十年間事育英。滿門弟子有聲名。菊花帶露潔逾潔。柏葉經霜清益清。躋古稀齡錫難老。從心所欲保餘生。王侯不與箇中樂。詩酒風流歌太平。

利休像

茶流一自出斯翁。除却玉川誰復同。紗帽常煎月團處。喫來七碗起清風。

新製布裘

節物推移志未成。新裘幾拜倚門情。半宵頻結故鄉夢。欵枕空聞礮杵聲。

千溪曰多用虛詞和中之語融和無痕



千溪曰  
全篇悉用坡  
之字面自非  
精通公集寧  
得隻句

路到臨臬自雪堂。風清月白望蒼茫。江山復識千秋在。  
天地仍看万古長。夜泛扁舟榮辱絕。遊隨孤鶴是非忘。  
有魚有酒樂何極。坡老且留雲漢章。

寒夜不寐口占

時事教吾幾斷魂。崢嶸歲月人驚奔。才疎未達文章道。  
世險愈知君父恩。磔磔荒雞聲匝枕。蕭蕭夜雨冷侵軒。  
鰥魚不睡人相似。空草微辭一萬言。

題畫

寒鴉栖古木。暮色滿平蕪。筆做倪黃意。誰描一幅圖。

昭和八年

新年勅題 朝海

斗移天白曉蒼茫。萬丈巖頭生瑞光。忽見紅暎映波出。  
四鄰瞻望太東洋。

夜市買花

隘巷人填盡。煙深燭火濛。鷺行還鵠立。購得一盆紅。

觀海日

海濤三萬六千頃。一道敷紅生旭暎。立盡巖頭多爽氣。

千溪曰鷺行鵠立巧  
于形容  
千溪曰詩亦壯觀譬  
蒼如紅日出於海

洋洋遠浸是天關。

一月三月初度書懷

新年添白幾鬢鬚。今我自知非故吾。雪案螢窗書萬卷。虛心勁節竹千株。一身得失從天命。半世衣餐笑腐儒。六十七回遭覽揆。幸唯有德不相孤。

壽蘇筵見招千溪先生賦呈

眉山靈秀集。萬古仰清標。道貫心肝盡。忠填骨髓饒。文章真卓犖。笠屐獨逍遙。尸祝人猶在。嘉餐薦荔蕉。

林和靖

千溪曰  
宛然老兄小  
照

千溪曰  
妙在不離不  
即之中

路自蘇公堤上分。梅花開落有餘薰。六橋歌舞空春夢。猶弔林逋處士墳。

初聽黃鸝

十里山村萬樹梅。趁香盡日幾低回。偶看黃鳥遷喬處。試得新聲去又來。

春陰看海棠 二首

不雨不晴濛微宵。養花天氣幾魂銷。曉來扶起海棠睡。彷彿楊妃紅臉嬌。

滿庭樹色翠濛濛。簾外花容繡樣紅。乍雨乍晴春欲晚。

千溪曰  
謂春陰之滋  
味叙海棠之  
嬌態饒有  
致趣

引入詩思海棠風。

食河豚 拗体

一尾千錢市價傾。河豚試雜荻芽烹。雖易隕身尤美味。不知世上有侯鯖。

張志和

西塞山前立釣磯。風蓑雨笠不須歸。神仙骨相玄真子。自得烟波世外機。

采茶詞

高僧昔得自西邦。舶載歸來日本東。四月女兒纖手摘。

千溪曰口福可美

千溪曰一幅玄真子之小像

千溪曰一浮字老手無々々

歌翻黃檗寺前風。

紫藤花下小飲

一架紫藤三四弓。清陰置榻酌薰風。衆賓皆醉好詩就。獨有苦吟醒主翁。

水閣納涼

風送荷香葉又鳴。晚涼小閣葛衣輕。經年養病骨方瘦。垂老守真心只平。几案圖書空委蠹。林泉魚鳥自安生。吟詩獨倚曲欄角。恍有飄乎遺世情。

郝隆

千溪曰其然豈其然

千溪曰全篇遒勁渾然南宋人

千溪曰  
所謂人生識  
字憂患初者

芸香浮動滿棚書。畢竟先儒糟粕餘。曝腹秋陽徒仰臥。  
焉如耕稼拓菑畬。

采蓮

千溪曰  
非宗教家不  
能得焉

一池開遍白青蓮。花若摩尼帶露鮮。想到西方安養土。  
采來嚴飾寶壇邊。

觀棋二首

千溪曰  
憂世傷時流  
之花溪老一輩  
之人

勝敗任他天與時。誰將正正對奇奇。嗚呼世事亦如是。  
羸蹶劉顛一局碁。

梧葉階前笛簟清。大觀碁局正奇明。却憐兩客趁迷路。

機未忘期輸與羸。

某氏華甲自祝代作

崢嶸世路幾盤桓。往事回頭感百端。傾盡苦杯知博愛。  
灑來清血得平安。觸<sub>ゴルゴク</sub>饑處月無邊照。撒<sub>サレム</sub>冷城花不盡看。  
自壽今躋華甲域。皇天眷命足欣歡。

題李白捉月圖

牛渚磯頭捉月人。百篇得酒筆傳神。詩才歷落思飄逸。  
舟底淋漓酣醉真。

見螢

千溪曰  
著宮錦袍旁  
宛若無人紙上  
然紙上之狀

千溪曰  
雖習見語亦  
自佳矣

無月無風夜色微。讀書窗底下單幃。飛螢亂點幾來去。  
未免借光車氏譏。

禪榻談詩 限韻

階下溪聲活。殿頭山色妍。僧徒廣長舌。不二是詩禪。

月夜聞歌

風清露白小紅樓。簾外蘋汀接蓼洲。忽聽胡琴歌一曲。

傷心千里月明秋。

斫鱸

滿地秋風灑氣清。黃昏月下作舟行。江鄉手斫鱸魚膾。

千溪曰  
嚴澹浪暈若

千溪曰  
幽麗凄婉

千溪曰  
快刀可想

左右揮刀憂有聲。

初秋早起 限韻

去趁早晨移短節。野橋一水碧溶溶。領來滿眼秋天氣。

初覺清新起老慵。

讀歸去來辭

解組歸來三逕荒。白雲流水繞柴桑。人間無復衣冠苦。

五柳門前日月長。

敗荷

敗殘荷蓋俯汀洲。爽氣西來特地愁。太乙祠前暝色合。

千溪曰  
神韻縹緲王  
新城所喜者

千溪曰  
洵得柴桑之  
旨趣者

一江風露不勝秋。

待鷗來舍卽事

門外長松紫翠堆。庭前流水幾縈回。俗塵不到幽閑足。今日鷗盟趁約來。

鐙下讀書 二首

世事紛紛感有餘。人間清福案頭書。一心付與是非外。對坐青燈驅蠹魚。

幽坐夜涼動。讀書開小櫺。芭蕉未殘敗。映卷一燈青。

新寒 二首

千溪曰  
活青字押得靈

千溪曰  
宋人佳境

九月小樓秋已殘。羸懼病骨怕新寒。人間珍籍胸中貯。天下名山掌裡看。瓶有黃花賓共樂。座無白眼主同歡。霜前半夜圍爐火。一椀煎茶意太寬。沈雲十里一江空。孤雁低飛蘆荻叢。詩思寂寥燈影澹。新寒入骨半宵風。

書聚星堂詩後

羣客聚星堂上列。汝州太守詩奇絕。繼將前令令殊嚴。枯葉回颿飛小雪。

掃塵

萬卷讀書難得神。唯纔面目保其真。五經註疏旨前學。  
三寫魯魚慚後人。箇箇禽蟲遇時樂。欣欣草木向榮春。  
蕭疎短髮歲云暮。未掃滿堆牀上塵。

甲麓吟社卽事

窮陰天地寂。世事獨囂囂。是日同人會。詩成興趣饒。

歲晚書懷

老來吾不管。世事轉喧囂。守歲過中夜。迎春待詰朝。  
葛藤身解脫。境界意逍遙。例舉浪仙典。祭詩燈獨挑。

皇太子殿下降誕日謹賦

(昭和八年十二月廿三日)

千溪曰  
詩境蕭散

千溪曰  
莊重典麗

瑞日重光杲杲鮮。卿雲爛縵紫閣邊。皇家有慶衆歡抃。  
奉壽九如天保篇。

昭和九年

甲戌元旦口號

斗柄指東春復回。暗香先動竹籬梅。荒雞半夜向邊去。  
俊狗三元窺戶來。爛燦雲霞四方散。升平氣象兩間催。  
山房邀得風騷客。雅頌同成酌舊醅。

正月二日生誕日感遇 二首

平當六十八生辰。近歲疎慵與病親。逝者如斯日居月。

千溪曰  
謙辭耳

千溪曰  
多用成語  
自己境遇  
來筆墨老蒼

千溪曰  
這僧蓋奉頭  
陀教耶呵々々

千溪曰  
群字雖非無  
趁韻痕一氣  
渾成可誦

江湖長物一孤身。

平當六十八生辰。幸遇清時此志伸。中泚菁莪見君子。

一門桃李出材人。老松百尺凌霜翠。脩竹千竿冒雪新。

逝者如斯日居月。唯全晚節養天真。

新年東舊朋

幾歲參商隔。新春作麼生。雲山舊貧衲。椒酒寄須傾。

臨古法書

日課百千字。臨摹王右軍。黃庭經一帖。寧得換鶩群。

註 黃庭經字數約千百四十字

千溪曰  
其人學問言  
行可想可欽

某氏任貴族院議員賦此以呈

丹心曾許國。朝野待經綸。議政優蒙寵。和羹克秉鈞。

看書審興廢。言志泣神人。松柏歲寒日。後凋期萬春。

新年匹集

詩應擊鉢酒盛杯。興到玉山方欲頽。一座舊盟多白髮。

香魂先返雪中梅。

甲戌二月二日千溪藤先生例設壽蘇會

予亦辱寵招謹賦一律以奠

嶽降峨眉臘月天。奎星萬丈燦相懸。奇才嘉寵金蓮燭。



遠謫清遊赤壁船。經歲安蔬兒共飽。買田焚券嫗堪憐。生辰想見磯頭宴。一笛南飛鶴背仙。

春江漁父

春江水暖荻芽洲。二月河豚上碧流。羨殺漁翁閒活計。一竿斜日伴浮鷗。

賀山口敬堂翁古稀壽

解組歸來三徑間。賡陶庵靜晝常關。古稀老境身清福。松菊猶存日月閑。

蘇小 二首

千溪曰坡老再來

千溪曰楊柳於蘇小離者也

千溪曰莊重典麗

滬上樓臺楊柳絲。帶將微雨拂簾帷。嬌名千載古蘇小。

惱殺錢塘遊俠兒。

一場舞罷越人回。半闋歌酣吳客來。憐殺多情錢樹子。

教坊別有幾悲哀。

滿洲帝國樹立之日

湖北舊邦維命新。三千萬衆仰高宸。既看九畹蕙蘭秀。

王化普覃天地垠。

菜花 二首

十里春風嫋嫋吹。吟行幾處趁遊絲。滿畦黃菜三千頃。

千溪曰  
警語刺人心

千溪曰  
醉語游展幾  
多士女讀之  
應羞死矣

千溪曰  
如使夫子知  
之擊節應激  
賞也

映麥深青夕照時。

菜花濃似酒。蛺蝶醉黃金。滔滔天下是。春色蕩人心。

浴沂圖

春服既成春日長。浴沂風詠世情忘。當年曾點異餘子。澆季如今斯道亡。

詠 蘭 係滿洲事 限韻

葉如鳳尾萼龍旋。取作國徵非偶然。豈伍叢生之衆卉。香依王者迸人天。

某氏七十七齡賀詞 二首

七十又添七。功成德有鄰。持身思古道。涉世任天真。  
湘水映軒遠。嶽蓮當戶新。敬神家法在。稀惠氣如春。

註 稀惠庵翁之寓也在小田原

壽與秋芳等。不騫長可存。舊恩情豈盡。日夕憶長門。

註 秋芳長門秋吉山之名

寧樂雜詩

昭和七年秋與妻遊于奈良得七首

奈良公園

萬樹紅黃映碧流。千年帝迹已深秋。紛塵遠隔世間外。

千溪曰  
結句自杜少  
陵來者

行樂相隨麋鹿遊。

春日神社

春日山頭秋氣澄。殿楹丹碧仰峻層。靈光照耀永垂跡。  
千萬幾年無盡燈。

奈良覽古

遺跡遠尋寧樂陽。浮圖高閣蹟茫茫。野花縈屐人多少。  
落日秋風古帝鄉。

河內途上

路入河陽日欲曛。金剛山上鎖寒雲。滿腔感慨低回久。

千溪曰  
煮蒿悽愴覺  
神之格

千溪曰  
居然唐調

千溪曰  
亦是風調爽  
明

野草秋深古帝墳。

猿澤池

一枝吟杖趁牢晴。采女池邊多勝情。落日淡煙涵塔影。  
古都秋寂暮鐘聲。

奈良西郊所見

黃葉山前鎖晚霞。城西在在幾村家。可憐定鼎千年地。  
滿目蒼茫一望賒。

東大寺

崇閣高摩兜率天。佛身丈六證清緣。歸依聖帝布金地。

千溪曰  
餘音嫋嫋

千溪曰  
一片傷心畫  
不成

千溪曰  
氣渾成筆無  
聖礙

猶有法燈長久傳。

放 鯉

千溪曰  
鯉魚洋洋校  
人欣欣可想

今春我覺學生畢業而出門者三百餘人可謂盛也偶有所感寄懷

放去鯉魚三百頭。洋洋圍圍趁群遊。校人反命俱相喜。免作龍門點額儔。

陸放翁

千溪曰  
神氣完息五  
字長城

九州何日定。頹放枉相甘。家祭詩悲痛。誠忠老劍南。

悼東鄉元帥

千溪曰  
為國民者千  
秋誰不祭祀

舉世哀愁如喪親。當年海戰有斯人。武門柱石東元帥。

奉祀千秋護國神。

接竹引泉

千溪曰  
妙在多不用  
力

千竿階有竹。接竹引清泉。一勺汲來煮。松濤生鼎邊。

項 羽

力拔山來氣亦豪。英雄只學一鈴韜。八千子弟今無反。

媿見江東父老曹。

千溪曰  
只學一鈴韜  
而不讀他書  
故身亡國破  
真可惜也

蕉下撫琴

蕉葉新抽十日霖。芸窗晝暗好彈琴。大嘈小切吾忘我。

一曲遺聲萬古心。

千溪曰  
第三句語簡  
勝于白傅

小暑論園 限韻

長日論園對小邱。綠陰如水意悠悠。不知門外人喧鬧。梧竹風清六月秋。

遊小赤壁 在播州

抱得山間月。泛來江上舟。風傳洞簫響。醕酒繼蘇遊。

聽秋聲

書窗半夜聽秋聲。聲在樹間星月明。歐賦讀來枯坐久。助吾歎息露蛩鳴。

高漸離

千溪曰多用賦中之字輕妙

千溪曰能得歐公作賦之主意者

千溪曰今之壯士不遠及古之壯士

千溪曰轉結最見讀焉及之力彼庸

悲筑哀歌金石盟。鉛丸一發劫強羸。今時無復高荆節。千載空傳易水名。

橘花薰

大楠公六百年祭獻詠

嘉橘栽于此。星霜六百年。人心荆自長。世道草徒芊。綠葉萋萋茂。清香郁郁傳。湊川流不盡。八字古碑鐫。

觀刈

穉稭穰穰夕日西。黃雲一帶簇高低。幽風七月有年兆。婦子同勞饁彼畦。

中秋獨坐

今茲九月念一日阪神地方有暴風雨多災害

劫後山川使客驚。玉蟾空照廣寒清。旻天有警須相畏。滿目淒酸轉愴情。

中秋

中秋今夜月瓏玲。獨上高樓寂視聽。千里家山望愈遠。數行過雁一天青。

風雨重陽近

物休

籬菊花開奈晚香。連宵風雨惱詩腸。佳節登高幽約在。

千溪曰  
詩亦淒絕  
絕真個甲戌  
中秋之作

千溪曰  
清迥可誦

千溪曰  
掃晴娘稍脫  
陳套

家家挂出掃晴娘。

重陽節小集卽事

分韻得長

露白風清滿八荒。十分秋氣惹歡長。復逢詩酒重陽會。且看菊花吹晚香。

悼荒川疎雨君長逝

疎雨蕭蕭滿目秋。訃音忽至淚頻流。詞林寂寞空長恨。一片魂歸白玉樓。

神光謁初祖圖

斷臂忘形謁祖師。少林雪赤血淋漓。以心傳得安心法。

千溪曰  
一掃自况非  
邪

千溪曰  
雙淚俱下

千溪曰  
所謂單刀直  
入法

便是鑪中老古錐。

茅檐曝背

會無剝啄掩茅門。三逕荒涼野菊存。老嬾冬暉真可愛。

南簷背坐午晴暄。

初冬卽興 限韻

瘦盡菊花霜意新。池邊猶獨有松筠。居諸逝矣感多少。

滿眼風光已小春。

古曆十月望匹集 分坡公句得葉字

月白風清幽賞愜。江山滿目舟如葉。夢中道士非子耶。

千溪曰  
輕輕敘去自  
是老手

千溪曰  
菊瘦松健所  
以發感

千溪曰  
險韻難押

孤鶴長鳴掠短楫。

甲麓吟社卽事 限韻

舌耕心織口才餽。ツツカニ落拓風塵追隙駒。美殺凍蠅蘇驟暖。

殘年老學守疎愚。

鈴木古山翁留別詩 次韻 五首

人間有淚別離難。故舊明朝向北丹。一曲驪歌情不盡。

普茶樓上倚欄干。

同人相會此離筵。留別五章情緒纏。好去故山尊叔在。

奉承朝暮自怡然。

千溪曰  
吾兄亦老詩  
者

耕去紙田仍硯田。經營慘澹已多年。等身著述幾千卷。  
 芸閣巍巍奎在天。只憂斯道不憂貧。志在濟生忘一身。勿謂老來孤影寂。  
 倚閭情誼厚於親。一朝遠別與心違。遮莫人間萬事非。明發西東分手處。  
 蒼茫雲樹望依依。

題富士山圖

某氏養病于修善寺溫泉日夕對富士山偶得靈感而痊三四及之也

峻嶒高萬古。雲斷秀容加。仰止威靈在。令人斥百邪。

千溪曰  
吾兄老讀新  
書所以豪氣  
未減也

千溪曰  
多不用虛字  
句為雄渾是  
唐人遺法

千溪曰  
宋意白調

守歲二首

蹉跎身世竟何如。鴻爪東西無定居。潦倒未曾豪氣減。  
 燈前守歲讀新書。

歲月崢嶸轉。燈前祭舊詩。屋梁窮鬼笑。霜鬢此心知。  
 甲戌歲晚

殘臘明朝又一年。寒來暑往似流川。辨將詩債驅窮鬼。  
 百八鐘聲早已傳。

昭和十年

新年和歌宸題 池邊鶴



千溪曰  
一氣渾成字  
字飛動

一喚迎風曙色開。聞天高閣望悠哉。尤思大液池邊鶴。  
入聖皇歌獻瑞來。

乙亥正月三日第六十九回生日感遇

六十八年容易過。振將木鐸樂菁莪。金錢繫縛囊常解。  
文字因緣硯只磨。自喜近來躬稍健。誰憐老去事頻蹉。  
安心始識長生訣。榮辱功名一擲梭。

早春對雨 二首

開年十日等閑過。寂寞樓臺雨打樁。已見眼前動生意。  
一池春水與苔青。

千溪曰  
七八詩筆勁  
健不為律所  
縛

千溪曰  
一結七字雨  
意足矣

今年春色早。好雨灑園林。天地無私意。江村草漸深。

杜少陵像

忠厚文章兩絕倫。東西南北老風塵。名垂千載稱詩史。  
天寶年間第一人。

千溪曰 公句云「甫也東西南北人」。而忠厚詩史亦於詠公不可闕文字也  
自非親炙公集者焉得詠此矣

初春待鷗來舍雅集

今舊雨催詩興頻。待鷗來舍酌春醇。雲烟紙上忽飛動。  
憶到揮毫淮海秦。

註 秦少游字淮海、山谷詩云「對客揮毫秦少游」

千溪曰  
起承唐人融和  
結宋人融和  
無痕

千溪曰  
次韻無芥束  
態第一第五  
尤推出色

攀藤千溪先生移居即事芳礎

左供柑酒右琴書。至樂豈關多見儲。ゲンチヤ納納乾坤皆我有。鵲巢不問況鳩居。

南帖北碑親法書。雲烟生坐樂如如。此間不惹塵寰意。一道春風滿燕居。

酒後彈琴又對書。先生清福俗相疎。江山明媚春將半。苔地松陰卜隱居。

先生性癖嗜詩書。常走龍蛇正魯魚。筆硯精良人不及。悠悠忘老賦新居。

韓公詩又魯公書。尸祝平生揮翰初。寶宋齋中能學古。菟裘成就甲南居。」

馬上見桃花

驕嘶聽馬背。覓句見桃花。一路向何處。青帘溪畔家。

兒嶋高德 三首

姓名長可付貞珉。十字吟心一片純。勿信腐儒之妄論。

分明偉蹟屬斯人。

題去一聯句。誠忠獨許君。濺櫻春雨淚。萬古大名薰。」

十字題櫻樹。孤忠入聖歡。一帆風浪險。隱島只平安。」

千溪曰  
語簡意遠

鈴木東山曰  
三首係和韻  
而絕無斧鑿  
痕跡何等健  
筆才何等逸

松林桂月畫伯見贈長門峽圖一幀有題詩和韻  
而作 三首

維石巖巖維水流。詩中妙趣畫中幽。賞斯佳景不歸得。  
斜日荒村已暮秋。  
峽中百里幾村村。沿水依山遠溯源。風景居然天下一。  
始知神寵在長門。  
峴嶂山峯屹峙天。潺湲溪水碧成淵。神工鬼鑿驚人目。  
一百里程圖畫鮮。

太田道灌

千溪曰  
一氣渾成無  
所間然

匹馬求菱少女家。一枝好諺棣棠花。誰料他時覃藻思。  
潮聲歌發國精華。

養 苔

半園苔滑碧如氈。日涉窺來趣益然。最是傷心風雨害。  
徹宵不睡出周旋。

寶宋齋十二勝

馥 蘭 砌

九畹叢蘭秀。移栽五六莖。滄浪纓可濯。今日水猶清。

薔 薇 架

千溪曰  
妙有不即不離

一架薔薇艷。藥多香酣繁。先生常岸幘。青眼對南園。

菡萏池

殘月照橫塘。圓池曉色蒼。惠然君子在。菡萏露華香。

風竹叢

永晝可銷暑。掩鄰風竹叢。猗猗還颯颯。丈室世紛空。

起雲石

日夕生雲氣。濛濛雨欲飛。一庭維柱補。何復要支機。

霜菊籬

呼爲霜下傑。籬畔傲高秋。清節陶元亮。晚香千古儔。

千溪曰  
一氣而成毫  
無塵滓

千溪曰  
作者自况非  
耶

千溪曰  
二十字自然  
成不讓香山

千溪曰  
寸鐵殺人

菜甲畦

種菜三弓地。晨昏待長成。讀書餘灌水。樂在一杯羹。

雪松逕

七松何偃蹇。遇雪愈青青。寶宋齋前植。存坡老典型。

月梅圃

寒光梅一圃。暝色月華新。依稀淡粧面。思得號夫人。

桃花岸

出城三四里。山綠水潺湲。獨有成蹊處。穠華隔岸閒。

瑞香庭

簾外三弓地。沈丁花正勻。風來香愈遠。道骨自然春。

絕塵苔

一雨塵埃絕。苔痕簾外青。空齋人不到。以可寫金經。

村上博輔先生十周年忌辰敬奠

樸學原探蹟。博通垂古今。烏虜人不識。薦藻憶遺音。

壽淺野博士

半百春秋宜室家。七旬七歲壽康加。金婚此夕氣如海。

證得人間德業華。

醪醕初發

千溪曰  
古樸老蒼

千溪曰  
詩與夏景澹  
沖可人

南薰解慍漸微涼。籬落醪醕始放香。香醕自教人醉殺。  
陶然憑牖坐昏黃。

寄松田文相

方今天下道心微。誰把遺經垂絳幃。雪裡青松能獨秀。  
雲中白鶴自高飛。千言欺世怪奇術。萬卷讀書忠孝違。  
開濟有人臺閣上。仰觀奎宿發明輝。

題太乙真人蓮葉圖

尺素龍眠筆。蓮舟太乙真。誰知天祿閣。夜訪校書人。

待鷗來舍卽事

分韻得寒

千溪曰  
沈說推  
獎最至沈  
真學老杜  
型不無獲  
篇文相和  
僕竊可此  
近業推兄  
製中之傑

千溪曰  
五字長城

千溪曰  
詩亦清  
淡尋  
味不盡

待鷗來舍夙川干。料識主人心自安。書味茶香俱不盡。  
竹風六月爽吹欄。

宮田氏十三周年紀念會席上傷悼

杳杳黃泉下。嗟君向此行。落花偏有意。流水鎮無情。  
不是人間壽。還留身後名。藻蘋悽愴夕。彷彿隔幽明。

淵野姉七十七歲賀詞

已宜室家又宜鄰。灼灼桃花其葉蓁。松茂竹苞天福足。  
同歡七十七生辰。

東北遊感遇

卽山錢可鑄。千里度陂陀。自助原天助。人間汗淚多。

舟中苦熱

六月天三伏。扁舟棹太湖。碧亂雲空去。炎蒸雨却無。

關西學院退職之日見寄予之肖像乃題

言語森嚴眼是明。老來意氣尚崢嶸。膏兼火費睡眠少。  
史併經繙肝膽傾。桃李成蹊花自發。松筠含翠色常清。  
青衿不解我溫厚。畫像相看冥感生。

次山口藏陸氏之韻

長夏那堪涼味空。華門謝客隔芸櫳。槐陰竹裏書千卷。

千溪曰  
吾兄面  
目宛  
然紙上

可仰先生儒雅風。

悼岡野靜枝孃

芳蘭摧月下。天壽本前緣。天父能垂惠。人間靜女傳。

註 詩經靜女其姝

悲 秋 二首

葉落梧桐第一秋。夜深沉澹氣西流。騷人自古悲風景。

盍趁逍遙物外遊。

雲物淒涼獨自悲。異鄉秋晚負歸期。楚囚唯有南冠意。

鏡裏新霜兩鬢絲。

千溪曰  
詩意蕭散

憶亡友

何事棄吾去。早爲泉下遊。今宵思道友。淚和露華稠。

文天祥

宋社當傾覆。空將一木支。留衣帶中贊。千載見綱維。

顏真卿

孟頫無忠鯁。義之有媚姿。平原真鐵壁。河北是湯池。

再造威靈仰。四朝勳業推。魯公書與節。萬古孰追隨。

胡枝花

薄夜胡枝子。花開紫一庭。不嫌風露重。數點著流螢。

千溪曰  
語簡而意盡

千溪曰  
趙松雪節無  
忠鯁真個可  
惜王右軍書  
有媚姿悲非  
公論

送鈴木覺一翁之滿洲

秋色邊疆盡。黃雲出塞多。此行期立策。慎莫事吟哦。

重陽小集席上二首 分韻

故國三千里。幾年鄉信空。又逢重九節。天際見孤鴻。  
落帽慙文拙。登高歎脚衰。秋風醪未熟。佳節菊開遲。

涼生豆花

七月連八月。涼生荳花秋。村居起臥適。雨讀晴耕樓。

北條時宗

人中獅象族中龍。膽斗輪困威勢雄。蒙古來侵彼何者。

千溪曰  
居然唐人

千溪曰  
隱然用典

千溪曰  
以氣魄見勝  
者

咆哮叱咤起神風。

寒雀

昨夜同雲雪意催。今朝滿地白成堆。憐佗啁雀爭棲處。  
篁裏啾啾凍餓哀。

釋奠

奠廢人心迷適歸。不精不一道心微。鼎彝簠簋今無用。  
先聖先師奈世非。

秋の落葉

われ等の心衰へて、ちりしく秋の葉に似たり、



青く澄みたる夕空は、木の間の奥に瞬きぬ。竹友藻風原作詞宗

寂寂園林微有響。秋聲如水氣清冷。壯心一片亦凋落。猶似書燈夜夜青。

古曆十月之望寶宋齋小集有憶坡公 二首

山高月小水粼粼。孤鶴長鳴過九旻。氣節文章傳萬古。風霜挾筆是斯人。

江山無可識。日月幾何過。天地物皆變。蘇公發感多。

第二皇子殿下降誕日謹賦 (昭和十年十一月廿八日)

鳳闕鸞來瑞氣生。御溝涵影水光明。聖代復值此慶事。

億兆歡呼皇室榮。

昭和十一年新年勅題 海上雲遠

卿雲開海日。五彩自扶桑。照曜分三極。離披及萬方。鰲潛逾宵漠。鵬搏更汪洋。風靜恩波穩。清晨放景光。

乙亥歲抄書懷

崢嶸歲月復將回。七十詰朝齡已頽。萬卷書樓春滿眼。壯心忘得病軀來。

昭和十一年

丙子新年感遇

千溪曰  
吐囉清新筆  
墨魂偉

皇道彌隆國運興。鳳凰翔舞五雲凝。萬邦齊仰我東海。杲杲扶桑初日升。

一月三日七十誕辰寄懷

崎嶇世路幾經來。杖國今年春復回。桃李滿門花爛漫。雄心落落未全灰。

寒江釣雪

白蘆花散綠蘋衰。正是寒江獨釣時。滿目凍雲天已雪。一竿小艇尺綸絲。

客舍逢春

千溪曰  
得意可想

千溪曰  
輕輕拂去詩  
境猶似劍南

身在天涯未得回。客樓懶看數枝梅。倚門人老應相待。一夜春風吹夢來。

清少捲簾圖

博文敏思孰追陪。默撥珠簾奉旨來。不識爐峯何處是。眼前唯見雪皚皚。

題鼠二首

畫得福神兼鼠兒。嫣然風貌敏聰姿。兩岐蘆菔一苞粟。寓意元來真味滋。  
滔滔天下是。醇俗奈荒衰。相鼠有皮齒。人何無禮儀。

千溪曰  
韻節玲瓏亦  
如白雪

千溪曰  
真味滋之三  
字可移以評  
此詩

東坡生日奠公像前

半是人間半是仙。風丰秀偉畫圖傳。險夷同視黃州路。  
榮辱俱忘赤壁船。春夢逢婆歎富貴。雨宵與弟話纏綿。  
好成丹荔一盤奠。嶽降峨眉九百年。

菅公

千里紫溟客。春秋三變移。梅飛如有意。衣捧奈無知。  
瓦色朝朝見。鐘聲夜夜悲。回光葵藿志。遠謫尚相持。

春冰

料峭風刀細。池水綠於苔。已看春水薄。因知淑氣回。

上村賈劍曰  
舒云與杜  
賦河天精舍  
西有杜也丹  
其下華特異  
作使事妥當  
願推佳製此

僧院牡丹

國色留春古梵宮。坼妖放艷白還紅。老僧偏愛西河種。  
占斷人間富貴風。

羲之換鶩圖

寫畢五千餘字文。一籠準擬換鶩群。山陰道士無名姓。  
起得風流王右軍。

拜檀原廟

仰見畝傍靈廟雄。寢園老樹鬱葱葱。皇孫養正臨寶位。  
聖德無疆六合中。

綠陰讀書

春光老去落花庭。竹樹風簾逼眼青。造物由來今古絕。清陰閑讀太玄經。

送加藤學士之獨逸

萬里啓行何欲求。桑弧蓬矢志初酬。新興之國文華燦。莫做尋常覽古遊。

山寺聽杜鵑

山上僧房路峻嶢。醬家不近酒家遙。僻鄉卻有風流事。聽遍鵑聲所在饒。

待鷗來舍卽事

分韻得刪

綠樹清泉隔市寰。薰風滿地此心閒。待鷗來舍復來會。尤見摩耶開玉顏。

鳳凰堂

人間得失事紛紛。今古不渝山水文。九百星霜多感慨。鳳凰堂下立斜曛。

黃檗山萬福寺

黃檗禪關別境開。大雄殿下象龍來。祖師遺法今嚴在。夜靜繩牀一喝雷。

賦得綠陰幽草勝花時

綠陰幽草節。卻勝百花時。日永薰風到。古人真不欺。

贈飛行機士

垂天翼搏九霄雲。往矣斯行在建勳。虎視眈眈強壓弱。國防終是藉空軍。

題鬪龍舟圖

台灣端午行事

蹴濤相擊扒龍船。艫舳雙雙孰後先。弔屈遺風天五月。桃檳樹下水清鮮。

紅蜻蛉

今年節物失常經。曆日入秋桐葉青。獨有小蟲知氣到。池邊已見赤蜻蛉。

夢上金剛山

朝鮮

雨歇烟迷林樹風。金剛山上曉光濛。忽驚脚下清泉響。帆岬仰望殘夢中。

詠凌霄花

亭亭松一樹。樹上凌霄花。翠滴紅燃處。成功自似誇。目健連尊者

才明舍利子。精鑑目健連。漏盡爲羅漢。獅王座下先。

觀野球

一奇一正立原頭。勝敗之機在策謀。走者是虛追者實。憂然打出決勝球。

八幡公看雁行圖 二首

禽奔知甲伏。智略古今英。江帥鈴韜訣。趙兒不解兵。誰知公睿智。不啻動精兵。關外花埋路。風流也有名。

籠中蟲

秋聲何淅瀝。誰不惹哀愁。獨怪籠蟲子。清吟似絕憂。

新開火閣

殘疾疲癯寒氣侵。新霜昨夜滿園林。綢繆有策先開爐。亦是龍蛇伏蟄心。

韓文公廟

惡谿祝鰐鰐群馴。貶謫居夷夷醜親。馬脚不前關雪隔。家鄉何在嶺雲堙。文章深遠追周漢。德業高渾罩越閩。通塞一時人萬古。巍然廟貌至今新。

汲江煮茶

江上朝雲白。汲來茶味濃。陸盧吾欲學。兩腋亦生風。

從軍行

關山萬里月。寒影望依稀。雁落入鄉夢。烽煙連夜飛。

丙子除夕

年光虛擲去。今夜臘將殘。偃蹇松三逕。槎牙梅一欄。  
明窓臨古拓。淨几讀新刊。難老天攸錫。燈前心自寬。

成蹊詩存終

昭和十二年一月十日印刷  
昭和十二年一月十五日納本

定價金壹圓貳拾錢

著作者 三宅光華

神戸市灘區城内通二丁目六十八番地

印刷者 光延義民

大阪市東淀川區中津南通二丁目三十番地

不許複製

發行所 十光社出版部

大阪市東淀川區中津南通二丁目三十番地

337
873

成路詩在

成路



終